

Sò Elli

Figlioli di stu sole chì piccia le cuscenze
E scrivenu a storia contr'a le preputenze
Fratelli di stu ventu chì porta le sperenze
Di populu Corsu elli sò le sustenze

Anu fattu a scelta di campà per dumane
Acelli di a notte ch'ùn temenu l'arcane
A l'orlu di a machja quandu s'arizza a mane
Stendenu lu to volu versu d'altre muntagne

Sò elli

È si tù è sò eiu à porghjelli la manu
È simu centu milla è un populu sanu
Quandu fiurisce a machja à l'entre di lu branu
A custruì l'avvene è suminà lu granu

Sò elli è simu noi machjaghjolu è cappiaghju
Fiaccule mai spente da sparghje lu messaghju
In lettere di focu à lu mese di maghju
Quandu à la turchina cumminciò lu viaghju

Sò elli

Senza mai stancià nè mai rifiatà
Cumbattenti d'onore di Santa Libertà
Parechji sò spariti à u fior'di l'età
Surghjent'è acque linde di lu fium'unità

Parechji sò spariti à u fior'di l'età
Surghjent'è acque linde di lu fium'unità.